

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2017/838****2017/EES/67/58****frá 17. maí 2017****um breytingu á reglugerð (EB) nr. 889/2008 að því er varðar fóður fyrir tiltekin lagareldisdýr úr lífrænu eldi (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 834/2007 frá 28. júní 2007 um lífræna framleiðslu og merkingu lífrænna vara og til niðurfellingar á reglugerð (EBE) nr. 2092/91 ⁽¹⁾, einkum 2. mgr. 15. gr. og 1. mgr. 16. gr.,

og að teknu tilliti til eftirfarandi:

- 1) Með reglugerð (EB) nr. 834/2007 var komið á grunnkröfum um lífræna framleiðslu á lagareldisdýrum, þ.m.t. kröfum er varða fóður. Mælt er fyrir um ítarlegar reglur um framkvæmd þessara krafna í reglugerð framkvæmdastjórnarinnar (EB) nr. 889/2008 ⁽²⁾.
- 2) Samkvæmt i. lið d-liðar 1. mgr. 15. gr. reglugerðar (EB) nr. 834/2007 skal gefa fiskum og krabbadýrum fóður sem uppfyllir næringarþörf þeirra á mismunandi þroskaskeiðum.
- 3) Í 25. gr. 1 í reglugerð (EB) nr. 889/2008 eru settar fram sértækar reglur um fóður fyrir tiltekin lagareldisdýr sem um getur í 6., 7. og 9. þætti XIII. viðauka a við þá reglugerð. Reglurnar sem settar eru fram í þeirri grein miða að því að setja fóður, sem er til staðar frá náttúrunnar hendi, í forgang þegar það er tiltækt.
- 4) Samkvæmt 1. mgr. 25. gr. 1 í reglugerð (EB) nr. 889/2008 skal gefa viðkomandi dýrum fóður sem er til staðar í tjörnum og vötnum frá náttúrunnar hendi. Með 2. mgr. 25. gr. 1 í þeirri reglugerð er notkun á lífrænu fóðri úr jurtaríkinu eða þangi og þara leyfð ef náttúrulegar uppsprettur fóðurs eru ekki tiltækar í nægilegu magni. Í a- og b-lið 3. mgr. 25. gr. 1 í þeirri reglugerð er fastsett hámarkshlutfall þess fiskimjòls og fisklýsis sem má vera í fóðurskammti fengrana og rækju ef bætt er við fóður sem er til staðar frá náttúrunnar hendi.
- 5) Fóður, sem er til staðar frá náttúrunnar hendi, er takmarkað eða ótiltækt á klakstiginu. Aðildarríkin hafa bent framkvæmdastjórninni á að reglurnar um fóðrun þursarækju, einkum tígrisarækju (*Penaus monodon*), sem settar eru fram í b-lið 3. mgr. 25. gr. 1 í reglugerð (EB) nr. 889/2008, myndu leiða til vannæringar og aukinnar dánartíðni ef þeim er beitt á fyrstu stígunum í lífsferli dýranna á klakstöð.
- 6) Samkvæmt 1. mgr. 25. gr. 1 í reglugerð (EB) nr. 889/2008 skal gefa viðkomandi dýrum fóður sem er til staðar í tjörnum og vötnum frá náttúrunnar hendi. Reglan sem sett er fram í þeirri grein ætti eingöngu að eiga við um áframeldi þar sem dýr eru haldin í tjörnum og vötnum en ekki klakstöðvum þar sem framboð á fóðri, sem er til staðar frá náttúrunnar hendi, er ófullnægjandi. Þetta á einkum við frá og með 31. desember 2016 þar eð, í samræmi við 3. mgr. 25. gr. e í reglugerð (EB) nr. 889/2008, ekki má lengur koma með ung lagareldisdýr, sem ekki eru ræktuð með lífrænum framleiðsluáðferðum, inn á lífræna stöð frá þeim tíma. Fyrir þann dag var heimilt að koma með ákveðinn hluta af ungum dýrum, sem ekki koma úr lífrænu eldi, inn á lífræna stöð eftir klak með ólífrænum framleiðsluáðferðum.
- 7) Auk þess hefur sérfræðingahópurinn um tækniráðgjöf við lífræna framleiðslu, sem komið var á fót með ákvörðun framkvæmdastjórnarinnar 2009/427/EB ⁽³⁾, staðfest að sértæku reglurnar í a- og b-lið 3. mgr. 25. gr. 1 í reglugerð (EB) nr. 889/2008 eigi eingöngu við um áframeldi ⁽⁴⁾. Sérfræðingahópurinn um tækniráðgjöf við lífræna framleiðslu telur að takmarkanirnar varðandi fiskimjòl og fisklýsi, sem settar eru fram í fyrrgreindi grein, geri ekki kleift að uppfylla næringarþörf dýranna á fyrstu stígunum í lífsferli þeirra á klakstöð.

(*) Þessi ESB-gerð birtist í Stjtið. ESB L 125, 18.5.2017, bls. 5. Hennar var getið í ákvörðun sameiginlegu EES-nefndarinnar nr. 158/2017 frá 22. september 2017 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 189, 20.7.2007, bls. 1.

(2) Reglugerð framkvæmdastjórnarinnar (EB) nr. 889/2008 frá 5. september 2008 um ítarlegar reglur um framkvæmd reglugerðar ráðsins (EB) nr. 834/2007 um lífræna framleiðslu og merkingu lífrænna vara að því er varðar lífræna framleiðslu, merkingar og eftirlit (Stjtið. ESB L 250, 18.9.2008, bls. 1).

(3) Ákvörðun framkvæmdastjórnarinnar 2009/427/EB frá 3. júní 2009 um að koma á fót sérfræðingahópi um tækniráðgjöf við lífræna framleiðslu (Stjtið. ESB L 139, 5.6.2009, bls. 29).

(4) Lokaskýrsla: http://ec.europa.eu/agriculture/organic/sites/orgfarming/files/final_report_egtop_on_aquaculture_part-c_en.pdf

- 8) Framkvæmdastjórnin hefur greint þörf fyrir breytingu á reglunum um fóður fyrir tiltekin lagareldisdýr með því að gera það skýrt að þessar reglur eigi eingöngu við um áframeldi. Þegar framkvæmdastjórnin komst að þessari niðurstöðu tók hún tillit til kröfunnar um að uppfylla næringarþörf dýranna á mismunandi þroskaskeiðum sem sett er fram í i. lið d-liðar 1. mgr. 15. gr. reglugerðar (EB) nr. 834/2007, markmiðs 25. gr. I í reglugerð (EB) nr. 889/2008 um að setja fóður, sem er til staðar frá náttúrunnar hendi, í forgang ef það er tiltækt og álits sérfræðingahópsins um tækniráðgjöf við lífræna framleiðslu.
- 9) Því ætti að breyta reglugerð (EB) nr. 889/2008 til samræmis við það.
- 10) Ráðstafanirnar, sem kveðið er á um í þessari reglugerð, eru í samræmi við álit nefndarinnar um lífræna framleiðslu.

SAMÞYKKT REGLUGERÐ ÞESSA:

1. gr.

Í stað 1. mgr. 25. gr. I í reglugerð (EB) nr. 889/2008 komi eftirfarandi:

„1. Í áframeldi skal gefa lagareldisdýrum, sem um getur í 6., 7. og 9. þætti XIII. viðauka a, fóður sem er til staðar í tjörnum og vötnum frá náttúrunnar hendi.“

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 17. maí 2017.

Fyrir hönd framkvæmdastjórnarinnar,

Jean-Claude JUNCKER

forseti.